

13. Pour lor, il ô di a chi onm lô: étindé vô man. I il' ô étindu é pi al ô dévnu tout ôsi bouinn ék 1' eut.

14. Mé ché farizyin ayan sorti, il on tnu konsèy insann a l' inkont éd li dsu ché mouéyin k' i pôrouètté prinn pour él pèrd.

15. Jézu sachan hô, sé nn' ét inn alè dé chi' indroué 1ô; pi gramin d' lin l' ayan sui, i zz' ô gyéri tortou,

16. é p' i leuz ô kmindè dé n' pouin nin parlé;

17. pour ké ch' paroi lô dé ch' profèt Izahi fuch akonpli:

18. Y18 in d' mé jin, ék j' è kouézi, ch' é min byinninmè, din lkyèl ék j' è mi tou mn' amour; éj frè rpôzé dsu li mn' Espri, é pi il anonchrô l' justich a ché nasion\_

19. I n' disputrô pouin, i n' krirô pouin, é pi pèrsonn n' intindrô s' voué dsu ch' plach publik.

20. I n' bèrziyrô pouin ch' rôzieu kasè, é pi i n' finirô pouin d' étinn éch lumignon ki funm kouèr, jusk a ch' k' i fouèch arivé, par édsu tout, él justich dé s' keuz;

21. é pi ché nasion iz éron d' l' èspouèr in sin non.

22. Pour lor, ô liy ô pèrzintè in pôsédè k' étoué avul é pi mué, p' i 11' ô gyéri; éd sortké chi' onm lô il ô kminchè a dvizé pi a vir.

23. Tou ché jin nn' on tè staz, pi dizouètt: Ch' n' ét i pouin lô ch' Fiu d' David ?

24. Mé ché farizyin inn intindan ché, dizouètt: chi' onm lô i n' kach ché diab ék par l'ayud éd Bèlzébu, pranch éd ché diab\_